



02. April 2019

UPA 2019/123

Atassut

Aqqaluk Heilmann

Naalackersuisut kingusinnerpaamik UPA2020-imut Aasianni annertuumik innarluutillit angerlarsimaffiannik pilersitsinissaminnut pilersaarusoqqullugit peqquneqarnissaanik siunnersuut.

(Inatsisartuni Ilaasortaq, Stine Egede, Inuit Ataqtigiit)

Nunatsinni inuit innarluuteqartut imminut tungiorsinnaangitsut Aasianni angerlarsimaffissaannik pilersitsinissaaneq nalilersorluagassaavoq inatsisartunit taparserneqassappat.

Siullertut Atassummiit oqaatigerusupparput avannaani inuit innarluuteqartut angerlarsimaffeqalersinnaanerit ulloq unnuarlu najungaqarfiusumik taparseratsigu.

Inissisimaffissaa eqqarsaatigissagaanni silaannakkut angallaneq timmisartumik sinerissamiit avannaaniillu angallattut aqputaaniissinnaanera ilanngullugu eqqarsaatiginarpoq.

Soorlu Ilulissani inuit innarluutillit angerlarsimaffissaat Ilulissani inissisimassagaluarpat ilaqutaasut avannaaniit kujataanniillu aqputaartussanut najugaqartumullu iluaqutaasussaammat.

Massakkut ilisimasatsituut inuit annertuumik innarluuteqartut danmark-imut aallarunneqartarput qangalili, qujanarpoq taama ikiorneqarsinnaasimagatta. Massakkut piffissanngoreerpoq iliuuseqarnissamik inuit annertuumik innarluuteqartut nunatta iluaniitiinnarnissaannut ilaqutaasut aamma eqqarsaatigalugit. Kiisalu ilaqutaasunut pineqartumullu tarnikkut peqqinnarnerpaajussasoq aqqiissuteqarneq minnerunngitsumillu silaannakkut aqputit atornerqarnerpaani aqqusaarneqarnerpaajusartumi inissisimasinnaaguni.

Atassummiit siunnersuut ataatsimiititaliamut ingerlateqqinneqarnissaa innersuussutigivarput, tassani ilaasortaasut sukumiisumik nalilersueqataallutik utimut siunnersuuteqarniassammata siunnersuutip aappassaanneerpeqarnissaanut.